

玉函山房輯佚書

論語孔氏訓解卷六

先進第十一

子曰先進於禮樂野人也後進於禮樂君子也

先進後進謂士先輩後輩也禮樂因世損益後進與禮樂俱得時之中斯君子矣先進有古風斯野人也

皇本高麗本作何曰釋文引首句作包○邢本作孔曰今從之

子曰德行顏淵閔子騫冉伯牛仲弓政事冉有季路言語宰我子貢文學子游子夏

史記引作孔子曰政事冉有季路在言語

宰我子貢上物觀補遺本德行有子曰與史記合

受業身通者七十有七人皆異能之士也

史記仲尼列傳

引孔子曰云云下接德行一節蓋約用孔氏義據補

子曰回也非助我者也於吾言無所不說

助猶益也言回聞言卽解無可發起增益於己也

集解

南容三復白珪之玷孔子以其兄之子妻之

史記仲尼弟子

列傳引作白珪有之玷二字

詩云白珪之玷尚可磨也斯言之玷不可爲也南

容讀詩至此三反覆之是其心慎言也

集解○史記仲尼弟子

子列傳集  
解引作珪

顏淵死顏路請子之車以爲之椁

顏路淵之父也家貧故欲請孔子之車賣以作椁

集解○史記仲尼弟子傳云顏回死顏路貧請孔子車以葬蓋約孔注義○史記集解引未旬

子曰材不材亦各言其子也鯉也死有棺而無椁吾不徒行以爲之椁以吾從大夫之後不可徒行也

史記

才作材

鯉孔子之子伯魚也孔子時爲大夫故言吾從大

夫之後不可徒行是謙之辭也

集解○史記仲尼弟子傳集解

顏淵死子哭之慟從者曰子慟矣曰有慟乎非夫人

之爲慟而誰爲慟

皇本高麗本爲下有慟字案文選潘安仁夏侯常侍誄云非子爲慟

吾慟爲誰是古本有慟字

不自知己之悲哀過也

集解

曰若由也不得其死然

皇本若上有曰字

不得以壽終也

集解

子貢問曰師與商也孰賢予子曰師也過商也不及

皇本問下有曰字賢下有乎字

言俱不得中也

集解

季氏富於周公而求也爲之聚斂而附益也

魯本作附益也

周公天子之宰卿士也冉求爲季氏宰爲之急賦

稅也

集解

參也魯

魯鈍也曾子遲鈍也

集解○史記仲尼弟子傳集解○文選劉公幹贈五官中

郎將詩注○釋元應出曜論音義須密所集論音

義雜譬喻經瑜伽論音義大菩薩藏經音義並引

句首

子張問善人之道子曰不踐迹亦不入於室

踐循也言善人不但循追舊迹而已亦少能創

論語孔氏訓解卷六

三鄭經館補按  
四十二卷二十

業然亦不能入於聖人之奧室也

集解

子路問聞斯行諸子曰有父兄在如之何其聞斯行

之也

皇本高麗本行之下有也字

當白父兄不得自專也

集解○史記仲尼弟子傳集解

冉有問聞斯行諸子曰聞斯行之公西華曰由也問聞斯行諸子曰有父兄在求也問聞斯行諸子曰聞斯行之亦也惑敢問

惑其問同而答異也

集解○史記仲尼弟子傳云子華怪之故問問同而答異

約孔  
日義

孔子曰求也退故進之由也兼人故退之

史記仲尼弟子傳引

作孔

子曰

子畏於匡顏淵後

言與孔子相失故在後也

集解○史記孔子世家集解

季子然問仲由冉求可謂大臣與

季子然季氏之子弟也自多得臣二子故問之也

集解

子曰吾以子爲異之間曾由與求之間

謂子問異事耳則此二人之間安足爲大臣乎

集解



所謂大臣者以道事君不可則止今出與求也可謂具臣矣

言備臣數而已也

集解

曰然則從之者與

問爲臣皆當從君所欲邪

集解

子曰弑父與君亦不從也

二子雖從其主亦不與爲大逆也

集解

子路使子羔爲費邱宰孔子曰賊夫人之子子路曰

有民人焉有社稷焉何必讀書然後爲學

史記仲尼弟子傳引

作費邱宰

孔子曰

言治民事神於是而習亦學也

集解○史記仲尼弟子傳其解

子曰是故惡夫佞者

疾其以口給應遂己非而不知窮者也

集解○史記仲尼弟

子傳  
集解

子路曾皙冉有公西華侍坐子曰以吾一日長乎爾

毋吾以也

曾皙曾參父名箴也

集解○史記仲尼弟子傳集解○案集解作熱據史記改

言我問女女無以吾長故難對也

集解

居則曰不吾知也如或知爾則何以哉

女常居云人不知己也如有用女者則何以爲

乎集解

求爾何如對曰方六七十如五六十求也爲之比及

三年可使足民也如其禮樂以俟君子皇本高麗本足以下有也

字

求白云能足民而已謂衣食足也若禮樂之化當

以待君子謙之辭也集解

箴爾何如鼓瑟希鏗爾舍瑟而作對曰異乎三子者

之撰

思所以對故其音希也置瑟起對也撰具也爲政

之具也鏗爾者投瑟之聲也

集解○文選潘安仁藉田賦注引撰具也

子曰何傷乎亦各言其志也

各言己志於義無傷之解

集解

曰莫春者春服既成冠者五六月童子六七月浴乎

沂風乎舞雩詠而歸夫子喟然歎曰吾與箴也

釋文

箴饋酒食也魯讀饋爲歸今從古史記仲尼弟子傳作夫子喟然歎曰吾與箴也

魯設雩祭於沂水之上莫者晚也春謂四月也春

服既成謂四月之服成也冠者童子雩祭樂人也浴乎沂涉沂水也象龍之從水中出也風乎舞雩

風歌也詠而歸者詠歌饋祭也歌詠而祭也

王充論衡

明秀篇○案鄭以古文爲饋陳氏醢引之以爲明古說據補

唯求則非邦也與安見方六七十如五六十而非邦也者唯赤則非邦也與宗廟之事如會同非諸侯而何赤也爲之小相孰能爲之大相

皇本高麗本作宗廟之事如會同小

字下大字下並有相字

明皆諸侯之事與子路同徒笑子路不讓也赤謙

言小相耳孰能爲大相者也

集解

顏淵第十二

爲仁由己而由人乎哉

行善在己不在人者也

集解

仲弓問仁子曰出門如見大賓使民如承大祭

爲仁之道莫尚乎敬也

集解○史記仲尼弟子傳集解引下句

司馬牛子曰仁者其言也訥

訥難也牛宋人弟子司馬犁也

集解○釋文○史記仲尼弟子傳集

解引

上句

曰其言也訥斯可謂之仁已矣乎子曰爲之難言之

得無訥乎

皇本高麗本作斯  
可謂之仁已矣乎

行仁難言仁亦不得不難矣

集解○史記仲  
尼弟子傳集解

司馬牛問君子子曰君子不憂不懼

牛兄桓魋將爲亂牛自宋來學常憂懼故孔子解

之

集解○史記仲  
尼弟子傳集解

自古皆有死民無信不立

死者古今常道也人皆有之治邦不可失信也

集解

文猶質也質猶文也虎豹之鞞猶犬羊之鞞也

說文  
解字

引論語虎豹之鞶皇本高

麗本作猶犬羊之鞶也

皮去毛曰鞶虎豹與犬羊別者正以毛文異耳今

使文質同者何以別虎豹與犬羊邪

集解○釋文引首句

曰二吾猶不足如之何其微也

二謂十二而稅也

集解○周禮考工記匠人疏引作舜曰

對曰百姓足君孰與不足百姓不足君孰與足

孰誰也

集解

齊景公問政於孔子孔子對曰君君臣臣父父子子

當此時陳恒制齊君不君臣不臣父不父子不子



故以此對也

集解○史記傳  
尼弟子傳集解

公曰善哉信如君不君臣不臣父不父子不子雖有

粟吾豈得而食諸

皇本高麗本  
下並有豈字

言將危也陳氏果滅齊也

上

子曰片言可以折獄者其由也與

片猶偏也聽訟必須兩辭以實是非偏信一言以

折獄者唯子路可也

集解○史記傳  
尼弟子傳集解

季康子患盜問於孔子孔子對曰苟子不欲雖賞之

不竊

皇本高麗本  
上句無之字

欲多情欲也言民化於上不從其所令從其所好

也

集解

季康子問政於孔子曰如殺無道以就有道何如

就成也欲多殺以止奸也

集解

孔子對曰子爲政焉用殺子欲善而民善矣君子之

德風也小人之德艸也艸尚之風必偃

皇本高麗本風下艸下並

有也字

上作尚

亦欲令康子先自正也偃仆也加艸以風無不仆

者猶民之化於上也

集解

先事後得非崇德與

先勞於事然後得報也

集解

子夏曰富哉言乎舜有天下選於衆舉臯陶不仁者遠矣湯有天下選於衆舉伊尹不仁者遠矣

富盛也言舜湯有天下選擇於衆舉臯陶伊尹則不仁者遠矣仁者至矣

集解

曾子曰君子以文會友以友輔仁

友以文德合也友有切磋之道所以輔成己之仁

也

集解

論語孔氏訓解卷七

子路第十三

子路問政子曰先之勞之請益曰無倦

勞如字

釋文

先導之以德使民信之然後勞之易曰

說以使民民忘其勞也子路嫌其少故請益曰無

倦者行此上事無倦則可也

集解○史記仲尼弟子傳集解

舉爾所知爾所不知人其舍諸

汝所不知者人將自舉之各舉其所知則賢才無

遺也

集解

野哉也

野猶不達也

集解○史記孔子世家集解

禮樂不興則刑罰不中

禮以安上樂以移風二者不行則有淫刑濫罰也

集解○史記孔子世家集解邢本並作孔曰皇本作包咸曰

上好信則民莫敢不用情

情情實也言民化其上各以情實應也

集解○史記仲尼弟

子傳集解

子適衛舟子僕子曰庶矣哉

皇本作舟子

孔子之衛冉有御也庶衆也言衛民衆多也

集解

子曰苟有用我者期月而已可也三年有成

言誠有用我於政事者期月而可以行其政教必

三年乃有成功也

集解○史記孔子世家集解

子曰善人爲邦百年亦可以勝殘去奢矣誠哉是言

也

古有此言故孔子信也

集解

子曰如有王者必世而後仁

三十年曰世如有受命王者必三十年仁政乃成

也

集解

定公問一言而可以興邦有諸孔子對曰言不可以

若是其幾也人之言曰爲君難爲臣不易如知爲君

難也不幾乎一言而興邦乎

皇本難也  
上無之字

事不可以一言而成也知如此則可近也

集解

曰一言而可以喪邦有諸孔子對曰言不可以若是

其幾也人之言曰予無樂乎爲君唯其言而樂莫予

違也

皇本喪邦上有可以二字  
高麗本莫予違上有樂字

言無樂乎爲君所樂者唯樂其言而不見違也

集解

如其善而莫之違也不亦善乎如不善而莫之違也不幾乎一言而喪邦乎

人君所言善無違之者則善也其所言不善而無

敢違之者則近一言而喪國也

集解

子夏爲莒父宰問政子曰無欲速無見小利欲速則不達見小利則大事不成

事不可以速成而欲其速則不達矣見小利妨大事則大事不成也

集解

葉公語孔子曰吾黨有直躬者



直躬直身而行也

集解躬身也

支釋

行己有恥

有恥有所不爲也

集解

子曰南人有言曰人而無恒不可以作巫醫善夫

南人南國之人也

集解

不恒其德或承之羞

此易恒卦之辭也言德無常則羞辱承之也

集解

子貢問曰鄉人皆好之何如子曰未可也鄉人皆惡之何如子曰未可也不如鄉人之善者好之其不善

名惡之

善人善己惡人惡己是善善明惡惡著也

集解

子曰君子易事而難說也

不責備於一人故易事也

集解

說之不以道不說也及其使人也器之

度才而任官也

集解

憲問第十四

憲問恥子曰邦有道穀邦無道穀恥也

穀祿也邦有道當食其祿也君無道而在其朝食

其祿是恥辱也

集解○史記仲尼弟子傳集解

南宮括問孔子曰

史記仲尼弟子傳集解作括問下無於字

括南宮敬叔魯大夫也

集解○史記仲尼弟子傳集解引云魯人

焉善狀暴盪舟俱不得其死然

說文解字焉引論語曰焉善狀暴引論語

曰弄

盪舟

焉有窮之君也篡夏后相之位其臣寒浞殺之因

其室而生暴弄多力能陸地行舟為夏后少康所

殺也此二子者皆不得以壽終也

集解○史記仲尼弟子傳集解

○案集解引孔說焉從

今文作弄據說文改

禹稷躬稼而有天下孔子弗答容出孔子曰君子哉

若人上德哉若人

史記仲尼弟子傳夫子作孔子不非弗南宮适出作容出于口上有

孔字尚作上

賤不義而貴有德故曰君子也

集解○史記仲尼弟子傳集解

子曰君子而不仁者有矣夫未有小人而仁者也

雖曰君子猶未能備也

集解

子曰愛之能勿勞乎忠焉能勿誨乎

言人有所愛必欲勞來之有所忠必欲教誨之也

集解

裨諶艸劄之

裨諶鄭大夫名也謀於野則獲謀於國則否鄭國將有諸侯之事則使乘車以適野而謀作盟會之

辭也

集解

或問子產子曰惠人也

惠愛也子產古之遺愛也

集解

問管仲曰人也奪伯氏駢邑三百飯蔬食沒齒無怨

言

皇木高鹿本疏作說

伯氏齊大夫駢邑地名也齒年也伯氏食邑三百

家曾仲奪之使至蔬食而沒齒無怨言以當其理

改也

集解○文選曹子建  
賁躬詩注引齒年也

子曰益公綽爲趙魏老則優不可以爲滕薛大夫也

釋文公綽木又作稗案稗古文  
也阜本高麗木大夫下有也字

公綽魯大夫也趙魏皆晉卿也家臣稱老公綽性  
寡欲趙魏貪賢家老無職故優滕薛小國大夫職

煩故不可爲也

集解

文之以禮樂

加之以禮樂文成也

集解

久要不忘平生之言

久要舊約也平生猶少時也

集解。文選陸士衡款逝賦注又沈休文

別范安成詩

注並引下句

子問公叔文子於公明賈曰信乎夫子不言不笑不取乎

公叔文子衛大夫公孫枝也文謚也

集解

子曰臧武仲以防求爲後於魯雖曰不要君吾不信也

臧武仲故邑也爲後立後也魯襄公二十三年武

仲爲孟氏所譖出奔邾自邾如防使爲以大蔡納  
請曰紇非敢爲害也知不足也非敢私請苟守先  
祀無廢二勳敢不避邑乃立城爲紇致防而奔齊

此所謂要君也

集解

子路曰桓公殺公子糾召忽死之管仲不死曰未仁  
乎

齊襄公立無常鮑叔牙曰君使民慢亂將作矣奉  
公子小白出奔莒襄公從弟公孫無知殺襄公管  
夷吾召忽奉公子糾出奔魯齊人殺無知魯伐齊



納子糾小白自莒先入是爲恒公乃殺子糾召忽

死也

集解

子曰桓公九合諸侯不以兵車管仲之力也如其仁如其仁

誰如管仲之仁矣

同上

公叔文子之臣大夫僕與文子同升諸公

大夫僕本文子家臣也薦之使與己並爲大夫在

公朝也

集解

子聞之曰可以爲文矣

言行如是可謚爲文也

同上

子言衛靈公之無道也康子曰夫如是奚而不喪孔子曰仲叔圉治賓客祝鮀治宗廟王孫賈治軍旅夫如是奚其喪

言君雖無道所任者各當其才何爲當亡乎

集解

公曰告夫三子

謂三卿也

集解

孔子曰以吾從大夫之後不敢不告也君曰告夫三子者

吾於禮當告君不當告三子今使我往故復往也

同上

子路問事君子曰勿欺之而犯之

皇本也  
作之

事君之道義不可欺當能犯顏色諫爭也

集解

子曰古之學者為己今之學者為人

為己履道而行之也為人徒能言之也

集解

蘧伯玉使人於孔子

伯玉衛大夫蘧瑗也

集解

子曰不在其位不謀其政曾子曰君子思不出其位

不越其職也

集解

子貢方人

比方人也

集解○釋文○文選曹子建貢躬註注又邪謀純遊仙詩注

子曰賜也賢乎我夫哉我則不暇

皇本賢乎下有我夫二字哉下無夫

字

不暇比方人也

集解

子曰不逆詐不億不信抑亦先覺者是賢乎

先覺人情者是寧能爲賢乎或時反怨人也

集解

下學而上達

下學人事上知天命也

集解○史記孔子世家集解○後漢書張衡傳注

夫子固有惑志

季孫信讒恚子路也

集解○史記仲尼弟子傳集解

子曰賢者避世

皇本高麗木辟作避下同

世主莫得而臣之也

集解

其次避色

色斯舉也

同上

其次避言

有惡言方去也

同上

子張曰書云高宗諒陰三年不言何謂也

高宗殷之中興王武丁也諒信也陰猶默也

集解

子曰何必高宗古之人皆然君薨百官總己以聽於冢宰三年

冢宰天官卿佐王治者也三年喪畢然後王自聽

政也

同上

子路問君子子曰脩己以敬

敬其身也

集解

曰如斯而已乎曰脩己以安人曰如斯而已乎曰脩

己以安百姓脩己以安百姓堯舜其猶病諸

人謂朋友九族也病猶難也

同上

以杖叩其脛

叩擊也脛腳脛也

集解○文選殷仲文南州桓公九井詩注又張原陽七命注釋

元應華嚴經音義大經度論音義並引上句

論語孔氏訓解卷八

衛靈公第十五

衛靈公問陳於孔子孔子對曰俎豆之事則嘗聞之矣軍旅之事未之學也

軍陳行列之法也俎豆禮器也

集解。史記孔子世家集解引首句

明日遂行在陳絕糧從者病莫能興

從者弟子興起也孔子去衛如曹曹不容又之宋

遭匡人之難又之陳會吳伐陳陳亂故乏食也

集解

○史記孔子世家集解引興起也



論語孔氏訓解卷八

一  
四十三卷三十七

子曰賜也女以予爲多學而識之者與對曰然

然者謂多學而識之也

集解

非與

問今不然邪

集解

子張書諸紳

紳大帶也

集解。史記仲尼弟子傳集解。文選謝惠連書賦注。又蔡伯喈郭有道碑注。

子曰直哉史魚邦有道如矢邦無道如矢

衛大夫史鱗也有道無道行直如矢不曲也

集解

子曰志士仁人無求生以害仁有殺身以成仁

無求生而害仁死而後成仁則志士仁人不愛其

身也

集解

子貢問爲仁子曰工欲善其事必先利其器居是邦

也事其大夫之賢者友其士之仁者也

皇本高麗本未句有也字

言工以利器爲用人以賢友爲助也

集解

放鄭聲遠佞人鄭聲淫佞人殆

鄭聲佞人亦俱能感人心與雅樂賢人同而使人

淫亂危殆故當放遠之也

集解

子曰臧文仲其竊位者與知柳下惠之賢而不與立

也

柳下惠展禽也知其賢而不舉爲竊位也

集解

子曰躬自厚而薄責於人則遠怨矣

自責己厚責人薄所以遠怨咎也

集解

子曰不曰如之何如之何者吾未如之何也已矣

不曰如之何猶言不曰奈是何也如之何者言禍

難已成吾亦無如之何也

集解

羣而不黨

黨助也君子雖衆不相私助義之與比也

集解

子曰巧言亂德小不忍亂大謀

高麗本無則字

巧言利口則亂德義小不忍則亂大謀也

集解

子曰當仁不讓於師

言行仁之事不復讓於師行仁急也

集解

子曰君子貞而不諒

貞正也諒信也君子之人正其道耳言不必有信

也

集解

子曰事君敬其事而後其食

先盡力然後食祿也

集解

子曰辭達而已矣

凡事莫過於實足也辭達則足矣不煩文黜辭也

集解

師冕見及階子曰階也及席子曰席也皆坐子告之曰某在斯某在斯

師樂人盲者也名冕也歷告以坐中入姓字及所

在處也

集解。世說新語言語篇。劉孝標注引歷告以下。

季氏第十六

季氏將伐顓臾冉有季路見於孔子曰季氏將有事

於顓臾

顓臾宓犧之後風姓之國本魯之附庸當時臣屬魯季氏貪其地欲滅而有之冉有與季路爲季氏

臣來告孔子也

集解

孔子曰求無乃殆過與

冉求爲季氏宰相其室爲之聚斂故孔子獨疑求

效也

集解

夫顓臾昔者生魯東蒙主

使主祭蒙山也同

論語孔氏訓解卷八

四鄭嬭館補校

且在邦域之中矣

魯七百里之封顓臾爲附庸在其域中也

同上

是社稷之臣也何以伐爲

已屬魯爲社稷之臣何用滅之爲也

同上

冉有曰夫子欲之吾二臣者皆不欲也

歸咎於季氏也

同上

孔子曰求周任有言曰陳力就列不能者止

周任古之良史也言當陳其才力度己所任以就

其位不能則當止也

集解○文選張茂先  
答何劭詩注引首句

孔子曰求君子疾夫

疾如汝之言也

集解

舍曰欲之而必更爲之辭

皇本高麗本必下有更字

舍其貪利之說而更作它辭是所疾也

同上

丘也聞有國有家者不患寡而患不均不患貧而患不安

國諸侯也家卿大夫也不患土地人民之寡少患

政治之不均平也憂不能安民耳民安則國富

同上

邦分崩離析而不能守也



民有異心曰分欲去曰崩不可會聚曰離析

同上

而謀動干戈於邦內

干始也戈戟也

集解。文選王仲宣從軍行注引下句

孔子曰天下有道則禮樂征伐自天子出天下無道則禮樂征伐自諸侯出自諸侯出蓋十世希不失矣希少也周幽王爲犬戎所殺平王東遷周始微弱諸侯自作禮樂專行征伐始於隱公至昭公十世失政死乾侯

集解。文選古詩十九首注又陸士衡五等論注並引首句

自大夫出五世希不失矣

季文子初得政至桓子五世爲家臣陽貨所囚也

集解

天下有道則政不在大夫

制之由君也

集解

天下有道則庶人不議

無所非議也

同上

政逮於大夫四世矣

文子武子悼子平子也

集解。邢本筆解俱作孔曰皇本作難曰

故夫三桓之子孫微矣

三桓者謂仲孫叔孫季孫也三卿皆出桓公故曰

三桓也仲孫氏改其氏稱孟氏至哀公皆衰也

集解

○文選陸士衡演  
運珠注引首句

樂驕樂

恃尊貴以自恣也

集解

樂佚遊樂宴樂損矣

宴樂沈荒淫瀆也三者自損之道也

同上

孔子曰侍於君子有三愆

愆過也

集解

言及之不言謂之隱

皇本高麗本無而字

隱匿不盡情實也

同上

戒之在得

得貪得也

集解○後漢書陳蕃傳注

困而學之又其次也

困謂有所不通也

集解

見不善如探湯

探湯喻去惡疾也

集解

齊景公有馬千駟

千駟四千匹也

集解

嘗獨立

獨立謂孔子也

集解

邦君之妻君稱之曰夫人夫人白稱曰小童邦人稱之曰君夫人稱諸異邦曰寡小君異邦人稱之亦曰

君夫人也

皇本高麗本末句有也字

小君君夫人之稱也對異邦謙故曰寡小君當此之時諸侯嫡妾不正稱號不審故孔子正言其禮

也

集解

論語孔氏訓解卷九

陽貨第十七

陽貨欲見孔子孔子不見歸孔子豚孔子時其亡也而往拜之遇諸塗

陽貨陽虎也名虎字貨爲季氏家臣而專魯國之政欲見孔子將使之仕也欲使往謝故遺孔子豚

也豚豕之小者塗道也於道路相逢也

集解 孟  
子孫爽正

義引無末二句虎也有名虎字貨句季氏上有爲  
字使仕也作將使之仕也豚也下有豚豕之小者  
句據

補

好從事而亟失時可謂知乎曰不可

言孔子栖栖好從事而數不遇失時不爲有知也

集解

孔子曰諾吾將仕矣

以順辭免害也

同上

子曰性相近也習相遠也

君子慎所習也

集解

子曰唯上知與下愚不移

上知不可使強爲惡下愚不可使強爲賢也

集解

子之武城聞弦歌之聲

子游爲武城宰也

集解○文選潘安  
仁贈河陽詩注

夫子莞爾而笑曰割雞焉用牛刀

陸德明釋文莞爾本今作莞

言治小何須用大道也

集解○史記仲尼弟子傳集解

子游對曰昔者偃也聞諸夫子曰君子學道則愛人  
小人學道則易使也

道謂禮樂也樂以和人人和則易使也

集解○史記仲尼弟子

子傳  
集解

子曰二三子



從行者也

同上

偃之言是也前言戲之耳

戲以治小而用大道也

同上

公山不擾以費畔召子欲往

皇本高麗本  
弗作不注同

不擾爲季氏宰與陽虎共執季桓子而召孔子也

集解○史記孔子  
世家集解引首句

子路不說曰末之也已何必公山氏之之也

之適也無可之則止耳何必公山氏之適也

集

恭則不侮

不見侮慢也

集解

敏則有功

應事疾則多成功也

同上

佛肸召子欲往

晉大夫趙簡子之邑宰也

集解•史記孔子世家集解

子路曰昔者由也聞諸夫子曰親於其身爲不善者君子不入也

不入其國也

同上

佛肸以中牟畔子之往也如之何子曰然有是言也

論語孔氏訓解

卷九

三德經補校  
四十二卷四十六

不曰堅乎磨而不磷不曰白子涅而不緇

磷薄也涅可以染皁者言至堅者磨之而不薄至白者染之於涅而不黑喻君子雖在濁亂不能汚

也

同上

吾豈匏瓜也哉焉能繫而不食

不得如不食之物繫滯一處也

韓愈  
解

曰居吾語女

皇本居上  
有日字

子路起對故使還坐也

集解

好仁不好學其蔽也愚

仁者愛物不知所以裁之則愚也

集解

好知不好學其蔽也蕩

蕩無所適守也

同上

好信不好學其蔽也賊

父子不知相爲隱之輩也

同上

好剛不好學其蔽也狂

狂妄抵觸人也

同上

詩可以興可以觀可以羣可以怨邇之事父遠之事

君

興引譬連類也羣相居切磋也怨刺上政也邇近也

集解

子曰色厲而內荏譬諸小人其猶穿窬之盜也與

荏柔也謂外自矜厲而內柔佞者也爲人如此猶小人之有盜心也穿穿壁也窬窬牆也

集解

子曰鄙夫可與事君也與哉

言不可與事君也

集解

今之狂也蕩

蕩無所據也

集解

今之矜也忿戾

惡理多怒也

同上

子曰惡紫之奪朱也惡鄭聲之亂雅樂也惡利口之

覆邦家也

皇本者作也

朱正色紫間色之好者惡其邪好而奪正色也利口之人多言少實苟能說媚時君傾覆其國家也

集解

子曰食夫稻也衣夫錦也於女安乎曰安曰女安則爲之夫君子之居喪食旨不甘聞樂不樂居處不安

故不爲也今女安則爲之

皇本高麗本稍下錦下並有也字世說新語規箴篇

注引並有也字皇本日安下有日字

旨美也責其無仁恩於親故再言女安則爲之

集解

史記仲尼弟子傳集解

夫三年之喪天下之通喪也

自天子達於庶人也

同上

予也有三年之愛於其父母乎

言子之於父母欲報之德昊天罔極而予也有三

年之愛乎

集解

惡居下而訕上者

漢石經無流字案四輩經音義引並無流字下引孔

注知古論

與石經同

訕謗毀也

集解。釋元應四輩經音義又比邱尼經音義

惡彼以爲知者

微鈔也惡鈔人之意以爲己有也

集解

微子第十八

微子去之箕子爲之奴比干諫而死孔子曰殷有三

仁焉

二人行異而同仁其憂亂寧民

集解



柳下惠爲士師三黜人曰子未可以去乎曰直道而  
事人焉往而不三黜枉道而事人何必去父母之邦  
士師典獄之官也苟直道以事人則所至之國俱  
當復三黜也集解。孟子正義  
引首句作鄭曰  
齊景公待孔子曰若季氏則吾不能以季孟之間待  
之

魯三卿季氏爲上卿最貴孟氏爲下卿不用事言

待之以二者之間也集解。史記孔  
子世家集解

齊人歸女樂季桓子受之三日不朝孔子行

桓子季孫斯也使定公受齊之女樂君臣相與觀

之廢朝禮三日也

集解

楚狂接輿歌而過孔子之門曰鳳兮鳳兮何德之衰

往者不可諫來者猶可追兮已而已而今之從政者

殆而

皇本孔子下有門字高麗本有之門二字  
史記孔子世家追字下有兮字並據補

接輿楚人也佯狂而來歌欲以感切孔子也比孔

子於鳳鳥也鳳鳥待聖君而乃見非孔子周行求

合故曰衰也已往所行不可復諫也自今以來可

追自止避亂隱居也已而者言世亂已甚不可復

治也再言之者傷之甚也

集解。史記孔世家集解。

悠悠者天下皆是也而誰以易之

釋文。滔滔。鄭本作悠悠。案文選。引

孔安國亦作悠悠。知鄭用古文。今本皆作滔滔。何晏從魯論改。

悠悠者周流之貌也言當今天下治亂同塗舍此

適彼故曰誰以易之也

集解。史記孔子世家集解。文選。于今升晉紀絕。

序悠悠風塵。李善注。引孔安國曰。悠悠者周流之貌也。据正。

鳥獸不可與同羣也

皇本高麗本羣下有也字。

隱居於山林是與鳥獸同羣也

集解。史記孔子世家集解。文選。

劉孝標廣絕交論注。

吾非斯人之徒與而誰與

吾自當與此天下人同羣安能去人從鳥獸居乎

集解

天下有道丘不與易也

言几天下有道者邱皆不與易也己大而人小故

也集解○案那本不作孔曰史記孔子世家集解作何曰今從皇本高麗本

植其杖而芸

植倚也除艸曰芸也集解○史記孔子世家集解

使子路反見之至則行矣

子路反至其家丈人出行不在也

同上

子路曰不仕無義長幼之節不可廢也君臣之義如之

何其可廢也

皇本高麗本作如之何其可廢也

言汝知父子相養不可廢反可廢君臣之義邪

集解

謂柳下惠少連降志辱身矣言中倫行中慮其斯而

已矣

但能言應倫理行應思慮如此而已矣

集解

大師犇適齊亞飯于適楚

亞次也次飯樂師也犇于其名也

集解曰牧觀補遺作包曰

播昭武入於漢

釋文藝亦作鞞案  
皇本高麗本作鞞

播猶搖也武名也

集解○釋  
文引搖也

少師陽擊磬襄入於海

魯哀公時禮毀樂崩樂人皆去陽襄皆名也

集解

周公謂魯公曰君子不弛其親不使大臣怨乎不以

故舊無大故則不棄也無求備於一人

今本作不弛  
據釋文作弛

弛以支反

釋文

魯公周公之子伯禽也封於魯也弛

易也不以它人親易其親也以用也怨不見聽用

也大故謂惡逆之事也

集解○釋慧苑華嚴  
經音義引施易也

論語孔氏訓解卷十

子張第十九

子張曰士見危致命見得思義

致命不愛其身也

集解

子張曰執德不弘信道不篤焉能爲有焉能爲亡

言無所輕重也

集解

子夏之問人問交於子張

問與人交接之道也

集解

子夏曰日知其所亡

日知其所未聞也

集解

子夏曰博學而篤志

廣學而厚識之也

集解

子夏曰小人之過也必之文

皇本必下有之字

文飾其過不言其情實也

集解

子夏曰大德不踰閑小德出入可也

閑猶法也小德不能不踰法故曰出入可也

集解

子夏聞之曰噫

噫心不平之聲也

集解



有始有終者其唯聖人乎

山井鼎攷  
異卒作終

始終如一唯聖人耳

集解

子游曰喪致乎哀而止

毀不滅性也

集解

子貢曰紂之不善也不如是之甚也是以君子惡居

下流天下之惡皆歸焉

皇本高麗本  
善下有也字

紂爲不善以喪天下後世憎甚之皆以天下之惡

歸之於紂也

集解

更也人皆仰之

更改也

集解

衛公孫朝問於子貢曰仲尼焉學子貢曰文武之道未墜於地在人賢者識其大者不賢者識其小者莫不有文武之道焉夫子焉不學而亦何常師之有

文武之道未墜落於地賢與不賢各有所識夫子無所不從其學也無所不從學故無常師也

集解  
○史

記仲尼弟  
子傳集解

夫子之得邦家者所謂立之斯立道之斯行綏之斯來動之斯和其生也榮其死也哀如之何其可及也

謂爲諸侯若卿大夫也綏安也言孔子爲政其立  
教則無不立道之則莫不興安之則遠者來至動  
之則莫不和穆故能生則見榮顯死則見哀痛也

集解

堯曰第二十

舜亦以命禹

舜亦以堯命己之辭命禹也

集解

曰予小子履敢用玄牡敢昭告於皇皇后帝

履殷湯名也此伐桀告天文也殷家尙自未變夏

禮故用立牲也皇大也后君也大大君帝謂天帝

也墨子引湯誓其辭若此也

集解

朕躬有罪無以萬方萬方有罪在朕躬

皇本高麗本物觀補遺足

利本萬方有罪下不重罪字漢石經同

無以萬方萬方不預也萬方有罪我身過也

集解

雖有周親不如仁人

親而不賢不忠則誅之管蔡是也仁人謂箕子微

子來則用之也

同上

所重民食喪祭

重民國之本也重食民之命也重喪所以盡其哀

重祭所以致敬也

同上

寬則得衆敏則有功公則民說

皇本高麗本並無信則民任馮句說上有

民字

政教公平則民說矣凡此二帝三王所以治也故

傳以示後世也

集解

論語孔氏訓解卷十一

從政第二十一

集解序齊論有問王知道多於魯論二篇古論亦無此二篇分

堯曰下章子張問以爲一篇有兩子張凡二十一篇邢昺疏如淳曰分堯曰篇後子張問何如斯可以從政以下爲篇名曰從政

子張問政於孔子曰何如斯可以從政矣子曰尊五

美屏四惡斯可以從政矣

皇本高麗本作問政於孔子

屏除也

集解○文選稿叔夜琴賦注

君子無衆寡無小大無敢慢

言君子不以寡小而慢之也

集解

慢令致期謂之賊

與民無信而虛刻期也同上

猶之與人也出內之吝謂之有司皇本高麗本納作內注同

謂財物也俱當與人而吝吝於出內惜難之此有

司之任耳非人君之道也同上

孔子曰不知命無以為君子也不知禮無以立也不

知言無以知人也釋文皇本高麗本唐宋石經本並作孔子曰○釋文鄭曰魯論無此

章今從古

命謂窮達之命也集解

論語包氏章句二卷後漢包咸撰咸字子良會稽曲  
阿人少爲諸生倡魯詩論語舉孝廉除郎中建武中  
入授皇太子論語又爲其章句拜諫議大夫五年遷  
大鴻臚事蹟詳後漢書儒林傳皇侃義疏作苞咸苞  
包二字古通當依漢書傳作包何晏論語集解云安  
昌侯張禹本受魯論兼講齊說善者從之號曰張侯  
論爲世所貴包氏周氏章句出焉然則包氏所爲章  
句蓋用禹說而敷衍其旨度其義例當若鄭元之箋  
毛傳惜全書久佚隋唐志皆不及著目猶幸何晏集



解引之什存二三間爲哀輯以皇侃邢昺二疏較定  
字句更從文選筆解諸書所引合輯爲二卷其說如  
哀公問社社作主有馬者借人乘之訓有馬不能訓  
良則借人乘習之三飯四飯云樂章名孰先傳焉孰  
後倦焉云先傳業者必先厭倦爲難能也云子張容  
儀之難及允執其中三句解困爲極云爲政信執其  
中則能窮極四海天祿所以長終之類朱子所不取  
其餘皆採入集註特文詞小異耳學者參考同異甄  
巖是非先河之義其在斯乎歷城馬國翰竹吾甫